

KENYATAAN MEDIA

MANFAATKAN KUTIPAN +1 UNTUK PEMBERSIHAN KEDIAMAN PADA CUTI HUJUNG TAHUN

MELAKA, 27 DISEMBER 2021 – Penduduk di taman perumahan yang melaksanakan pembersihan kediaman disaran memanfaatkan kutipan +1 seperti dijadualkan seminggu sekali oleh SWM Environment Sdn Bhd (SWM Environment) bagi menguruskan sisa pukal, sisa kebun dan barangan kitar semula.

Menjelang hujung tahun, pelupusan sisa pukal, sisa kebun dan barangan kitar semula oleh penduduk dijangka meningkat berikutan ramai yang akan memanfaatkan cuti panjang untuk bergotong-royong dan membersihkan rumah.

Sehubungan itu, penduduk perlu menguruskan sisa-sisa tersebut dengan kaedah yang betul iaitu mengikat atau membungkusnya di dalam beg plastik sebelum mengumpulkannya di tepi tong sampah beroda (TSB) di hadapan rumah masing-masing mengikut hari kutipan.

Seterusnya, pihak SWM Environment akan membuat kutipan menggunakan lori terbuka (*open tipper*) mengikut jadual ditetapkan. Bagaimanapun, kutipan akan dilaksanakan secara berperingkat sekiranya sisa pukal dan sisa kebun yang dilupuskan oleh penduduk terlalu banyak.

Sisa pukal merujuk kepada sisa peralatan rumah yang besar seperti almari, sofa, tilam, perabot dan sebagainya. Manakala, sisa kebun merujuk kepada sisa halaman rumah seperti daun kering, ranting, pelepah pokok, rumput serta sisa cantasan pokok yang kecil.

Pelupusan sisa pukal, sisa kebun dan barangan kitar semula mengikut jadual ditetapkan ini amat penting bagi memastikan persekitaran taman perumahan yang bersih dan selesa dapat dicapai. Selain itu, ia juga dapat mengelakkan penduduk melonggokkan sisa tersebut secara haram di tempat tidak sepatutnya sehingga mendatangkan masalah seperti peningkatan wabak denggi, menjadi tempat persembunyian haiwan liar dan risiko banjir kilat.

Bagi mengetahui jadual kutipan +1, penduduk boleh merujuk kepada papan tanda SWM Environment di pintu masuk taman perumahan, melayari laman web <https://swm-environment.com/microsite/> atau hubungi Talian Indahkan Malaysia di 1-800-88-7472.

SWM Environment turut menggalakkan penduduk di Melaka melakukan aktiviti kitar semula dan seterusnya memperolehi mata ganjaran melalui program KITARecycle. Mereka yang ingin mendaftar sebagai ahli boleh dapatkan maklumat lanjut di laman web www.kitarecycle.com atau memuat turun aplikasi KITARecycle di Apple Apps Store dan Google Play Store.

-TAMAT-



MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Noor Che Wah Binti Ramli

Eksekutif Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : wah.ramli@swmsb.com